

陶

山

詩

錄

陶山詩錄卷十三

善化

崇川四集 辛未二月

假歸鍾山憩書樓用岑嘉州因假歸白閣西草堂
韻

客返山下屋雲生城上峰雲與客俱來護此堂前松種
松松漸老看雲雲正濃本爲置書筴因之憩塵蹤身閒
勝藥餌意愜忘窮通妻孥頗自得冠帶誰爲容暫喜適
旬沐何勞問宿春柴門數歸鳥野寺聞疎鐘

乞花楊存齋明府 宣之二首

花事靜蓬心君家花最深閒情懶老圃芳意到寒林手
種和泥活肩擔帶露淫便聞香滿院所托本同岑
我亦曾栽遍荒園長綠苔結隣經歲別開筵得春回乞
倩蘭緘達移將蝶夢來却愁催上道不及賞花杯

次韻酬趙味辛司馬

懷玉

同遊狼山之作

五年四之靜海路山頭有石記來去名山山名是官箴
以狼爲琅母乃誤山英憐我心力微應祈雷雨桑田肥
頗欲登高尋屐齒倩誰濟勝披蘿衣飲醇舊友來岳麓
謂周希甫太守思君如賦猗猗竹

味辛時爲石港山長

折簡欣然同出遊

郊外山光綠滿目四山低垂一峰孤七層湧起塵寰虛

自依初地龍象肅却羨三老猿獒如

時伯兄鞠溪與味辛希甫同登壇頂

想像諸天凌紫極曠懷高韻齊失得推牕但見烟迷漫

南山之南北山北人生似鳥飛無蹤昨時年少今成翁

名場且謝一塵守詩國何殊萬戶封夕陽穿破曾雲厚

倚闌憑眺傾杯酒跋浪鯨魚白日藏垂雲鵬翼青天負

風送籃輿首重回君如乘興尚能來獨憐舊雨別二紀

遊歌未斷驪歌始

希甫將以復官入都

遣鏌還金陵

烏啼綠樹曉猶昏命爾遄歸白下門老婦持家方望子

嬰兒失母倍憐孫

鏌婦新喪

身多疾病嫌官累室有悲哀慘

客魂事了先來慰衰暮待乘秋水逐魚軒

次韻孤舟泛海圖贈師雲舫

東

江如海勢起波浪老杜驚人句超曠况復江湖挾海潮
天吳噓霧作帷帳片帆神訝安石恬萬里懷推宗慤壯
秋水南華非繆悠鷗鷺合向逍遙遊定指埏埴逞汗漫
未堪邱壑容遲留海若邀君作遊戲吳頭楚尾似期會
金支翠羽從靈來黿擲鯨呿喜客至若使洪濤盡帖平
翻恐詩才不雄恣井鼃澤鯢走且僵宛見伊人水一方
獨和衝撞起高調欲添瀲灩傾千觴聽詩讀畫駭奇狀
笑我來往同尋常人海掀騰兼宦海縱有吟興何能狂

頗怪神山反在下劇思釣艇聊相羊俊筆吾幾交臂失
巨流那許以斗量盈科有術善觀水冒險勿事輕垂堂
此水猶是江之委洞庭八百誇維桑詩凌滄洲足嘯傲
迴如遠涉溟渤周旁皇

聞鑑蒙

恩授職檢討詩以勗之

文思重詞臣庶常復親簡吾鄉一人畱幸被

臨軒選少小愚於柴

先公愛同銑

曾名以銑

膝上嘗抱持

堂前爲洗腆貽厥果成名手澤空遺簡克家貴繩承報
國非淺拙摛辭雖小技簪筆乃鴻典况逢

堯舜明羣推俊良顯故品在所先勤學亦當勉廉以節
用全孝以守身善重之以修能何患無施展吾得自庭
訓爲汝特論撰

舟中晚涼示錢

煩暑來清風喘汗爲之息倚窗啜苦茗縱言至昏黑省
侍從都門詢問夙所憶述及長安邸偶遇平陰客八十
老孝廉滿姓名秋石追懷卅餘載詳道先公德父母神
明稱至今尚銘勒我聞輒竊歎斯民三代直本以今起
家儒素畱遺澤汝年雖弱冠邑長新受職永言繩其武
莫負傳清白記取辟暉時涼雲生几席

題孔雱谷太守

繼幹

雲壑幽棲圖

我昔探雲上泰山一縷觸石彌人寰中有雲將高持髮
心蘊道妙神鬱盤謂余呼吸通天關授以靜術歸巖巒
三十年來逐塵闕棄其元珠遺其丹靈臺焦灼絳宮寒
回頭反鎖七門鑲如擊鼓求唐子還騎氣遇此喬松顏
矍鑠哉翁舊登壇聞君作吏懷痼癰棠蔭生祠近在邗
忽然仗劍從三單櫓槍手掃城郭完磨盾草檄常倚鞍
露布上達功不刊酬庸大郡陽春頒人疑意態何桓桓
展圖乃作木鷄看非枯非幻非空頑是杜德機藏羽翰
如雲在壑居寬閒霖雨雷霆指顧間我如壺子難追攀

恍見蓬元真仙班黃庭得諦窺泥丸浮烟漲霧一律刪

和尤春樊舍人

興詩

東坡生日用坡和陶飲酒韻

二首

靈均飲蘭露靖節餐菊英襟懷多壹鬱寄托見性情坡
仙困衰暮騷怨向誰傾繼聲飲酒篇聊以平其鳴前身
定高賢何必證無生

列星旣還次千載仰英姿追賦鶴南飛恰對梅北枝人
爭二邱勝句造九華奇臨風酌一盞安用黃封爲春夢
當先覺塵鞅空自羈

題陸朗夫中丞家書手蹟冊子

其子繩直
之囑題

公昔撫綏南楚南峻如衡嶽清如潭期年惠澤宣行
勤民閔雨憂心愀天上長沙自往探斂無襁服儲無
我時秉耒爲丁男峴山畏壘猶能詣宰公故里才不
堪曾題手澤深懷慙今見家書十有三中無一語涉
私談諄諄忠孝性所耽交友宜澹不宜甘官解無事
同茅庵足以鎮躁懲貪懋詞雖切近義淵涵直之析
薪能負擔味乎其言粹且醇官箴家訓當同參

題韓旭亭先生

是升生壙圖

先生素抱與天遊先生清詞自風流翛然塵外超
浮休中年寓意營瑕邱至今松柏高於樓平林幽谷
盤陀起

青島家言大豐美先世佳城在密邇身後猶戀毛裏恩
生前孺慕無時已往年捧讀丙舍篇一字一淚如湧泉
鮮民撫卷感風木岱雲衡雲隔遠天喆嗣中丞曾按楚
萬石家風福吾土十部人尊神父父齊祝先生壽比南
山松盤谷之宮是虛宇

先生自命其地爲小盤谷

重題吳縣寓鶴館贈孫秋塘刺史

仲良

華亭客聘揚州鶴來過鶴市畱官閣官閣原爲傳舍居
鶴飛已向秋霄廓蒼苔尚記印泥鴻健翮非同遶枝鵲
賓客如沙不久搏主人似碁屢更著三間解宇合從新
十年歲月恍如昨巨源爲政有餘閒叔孫所館無荒落

匠心獨運竊而深舊榜仍題述不作松窗月上清琴橫
花逕風來畫舫泊不須更覓柵邊馴何妨偶夢舟前掠
倦飛似我猶羈遲招飲因君感棲託人生寓內本寓形
况復官中類巢幕往時同調幾何人城市山林今盡各
雙鳬期會頻往來余初葺是館孫淵如觀察會楊其楹
曰廉吏偶然畱一鶴蒼生久矣望雙
鳬非鶴安知鶴之樂傳書訊鶴鶴無蹤不如早赴還山
約

次韻何星田歲除述懷見寄十首

宦遊無計買山田零落知交積歲年遠岫歸雲懷畫舫
滿梁落月到詩牋江干晝閉三間屋海國春陰二月天

絕憶聯吟傍村郭茅柴同飲杏花前

流泉雜樹想幽居門外時停長者車
踏雪閒遊驢有券看雲獨立鶴無書
選詩樓上吹藜杖讀易花間導筍輿
應笑一官匏繫久春江水滿滯雙魚

簿書叢裏度光陰豈不懷歸強自禁
半世星霜寒上骨四時風雨庶民心
訟庭惟恐堆千牘齋壁徒看挂一琴
海上三山何處是欲從騎鳳到瑤岑

江山清峻似衡湘地有文川並武鄉
揖叟擘狔供孟信抱兒拔薤拜任棠
苔痕帶雨侵茶竈花影隨風覆印床
泛宅浮家長作吏迴頭歲月去堂堂

功業誰將鐘鼎刊世途歷盡倍知難年光彈指催駒隙
心事華顛著鹿冠長孺一生長臥病癘之十載未遷官
早衰且喜逢周甲合與懸車一例看

關心民瘼欲攢眉作意周防捷枳籬財賦漏卮持策少
江淮砥柱奏功遲冰衿長奉趨牙後雪鬢新添領郡時
倥傯那堪閑岸幘南樓空憶庾元規

江南江北寄萍踪廿載寧無國士逢蹄踣榆關疲老馬
骨求藥店出飛龍令原棠棣悲綿悞鴻案糟糠話賃春
賴有哲兄同健在扶筇東望白雲峰

嶺上慈烏叫夜饑墓田麥穗小如錐畫梁新建桐鄉祀

華黍繼歌束皙詩食報孫曾雙戟兆載思耆舊百年知
敢因遺子求簾滿保障何容事蘭絲

老去心情百不如少年結習亦殘餘勤按藥裏刀圭進
倦寄書筒尺牘疎綠綺半緣招鶴鼓黃庭不爲愛鶯書
千金享帚真堪笑

近刻舊集

水部篇章一起子

清辭含液養靈根如對寒梅引月魂却幣村中無吠犬
祭詩俎上有蒸豚故人分俸聊携酒兒輩橫經舊及門
造物不將塵事擾容君嘯咏是深恩

新柳四首

以烟絲風條爲韻有序

雉水范子聽園以新柳倡和之作介師子雲舫寄讀

且索序余觀羣俊賡酬諸篇絡繹乍筴綠酒未到酣
時初寫黃庭剛逢好處旣娟娟以含秀亦簇簇而生
新可謂褰屐風流深情絲邈者矣余也賦成枯樹村
謝病條觸栖鴉於夕陽憶流鶯之歲月江潭落木空
抱十圍漚上銷魂曾餘幾縷傷美人之遲暮媿好句
之如仙此序之所以不作也雖然倡條冶葉名士所
歡綠意紅情詞人偶適諸賢以茗發穎豎之才具著
手生春之筆曷弗咏翠旗之一色頌龍池之萬行而
顧訪驪支於香帘描修蛾於畫閣誠爲工矣非其尚
也於是忍俊不禁托興以諷願下帷者覩濯濯而早

曳青袍橐筆者念依依而如聞羌笛鑑吾邁朽勉爾
英華雖東塗西抹未免效顰而一唱三嘆聊同秦雅
春郊幾點綠如烟憔悴枝頭忽弄妍猶賸燒痕原上草
乍疏涓滴澗中泉風輕未博鶯兒醉水淺難藏鴨子眠
莫負東君新雨露便因攀折墮金鞭

新韶著物有芳姿旖旎風情繡閣知遠岫畫分螺子黛
柔荑搓出麴塵絲平陽寵溢春寒外號國嬌生淡掃時
却願諸君衣染汁章臺休管幾枝枝

春光先到建章宮上苑初眠氣漸融青瑣未乾垂葉露
畫旂剛颺裊絲風輕陰出谷鶯簧澀小霽鉤簾燕翥通

人憶靈和多蘊藉絕勝紫陌唱黃驄

慘綠經時鬢雪飄渭城那復入歌謠遊蜂不逐黏泥絮
繫馬猶垂腕地條青白何心窺俗眼送迎底事負吾腰
歸來學種先生樹門外携鋤覓嫩苗

東鄉相驗舟中作

化俗苦無術行部敢辭勞惟憂三春雨致損二麥苗州
疆東並海沙漲成平泉亭戶昔煮鹽墾土今結茅其地
衍而瘠其民魯而驚鄉鄰有雀角性命如牛毛或豐田
衽席或爭止錐刀或鋌而走險或語相訾警弱者強之
食富者怨之招吏或緣爲姦官當事親操此行經三日

日與腐臭遭停舟問疾苦隔水聞呼號慮因固吾分橫
爭豈爾曹古有循良吏能播中和謠渡河跡去虎化鳳
巢無梟游女不可求暴客皆潛逃豈有恣戕害察視連
昏朝因思盡收養兩稷宣教條我乏字哺歎專恃風雨
調春陰積兼旬春水長三篙清曉望暘谷中夜覘斗杓
何當得暄旭輒復驚寒飈農桑恐失業使我心忉忉厚
生尚虛懸竊精真濫叨安能付丞掾老子容遊遨

河成紀事上制府菊溪宮保百韻

并序

東南患河有年矣

皇上恤民隱軫漕運爰命公總制兩江專界以平水土

時公方蕩掃海氛引疾歸朝疾甫平輒膺是任固辭
不獲單車就道至則親履海口審視周詳剗陳要領
天子俞之於是疏雲梯上游築洪湖仁字壩王營減壩
李家樓醜渠塞壘同時並舉人咸以爲難公則威惠
兼施先勞無倦襄事繁衆罔弗虔其率作下逮流外
員弁僕隸徒旅之屬寤寐間皆有制軍在其心目故
地亙數百里人無慮十數萬無敢惰於獨而譁於羣
用能刻期歲事化險爲夷役不訶而疾財不約而省
始辛未秋杪訖壬申春仲五工畢竣永臻奠謐可謂
神速矣而公乃粥粥胸胸翼翼几几歸美於

上讓能於下君子是以知事功由於學術精潔感爲休

和也

仲冕

深有企於功成弗居之義故敢頌言繁引

以爲寮案法

帝曰疇咨切卿材利濟多厥功先靖海今日重治河都
水常相望宣防竟若何依崖憐萬室轉漕睠千舸果暢
歸墟路奚憂大澤陂巨川汝作楫碩畫國之儲虎拜因
敷奏鵠行敢媿嬰微勞憑

廟算薄伐仗天戈爵埒三孤座恩鳴累葉珂歸同班定
遠寵異李思摩貂珥爲儀羽峰盼入饌駝優游容長孺
豈弟矢卷阿未竭股肱力奚圖安樂窩匪躬期蹇蹇陞

步怯船佗禹貢藉鉤簡桑經混汜沱任須加鍊達才竊
媿么麼再讓

虞廷穆交修夏政和

皇言誰辦此台德豈先他治行標方岳家聲振甲科素
知詞擬鸞那習陣排鷺樽俎殷除翦樓船駛繳落鯨鯢
封築觀蠻觸息爭蝸蜃舫搖伊軋猺腔聽噴囉氛澄極
閩越威聲播暹僊但藉書生策斯令劇賊剽丹心攄耿
耿黃髮擁番番况爾宣湮鬱爲民化札瘥流雖通泗汶
導詎自岷嶓竚望紆宵旰母辭咏軸邁欽哉當翼翰往
矣莫委蛇恭奉

形墀訓遄馳赤轂輻撫胸彌浦澈滿眼遍蒿莪部吏皆
惶悚官寮共切磋下賢勤采訪向若注睇職特識親探
宿羣謀祗測蠡雲梯邁洲渚雪浪駕鰲艦皓首都與歎
星軺幾見過關門焉有障憤潦乃烹鍋改轍真岐路卑
坊卽廂囿滌源宜暢遂絲亘貴逵迤譟論乎

宸極輿情頌釋迦機緘抽肯綮圖繪細摩挲先是維初
緩兼之岸漸綰袁江方賊馬碭瑩又攻壘屋脊遮魚網
籬根失飯籬湯街晴聚蝶侵竈濕生蚪忤側睂常皺躊
躇掌屢按烝黎應急賑財賦並籌鹺墊隘尋登席痾癰
若抱痾尾閭疏澥口頭壩洩淮渦徒役罄齊鼓文書印

幾窠神閒紛擘畫語擎托吟哦

詔旨加敦迫靈祇默護訶呱呱聞竹報搢搢問樓羅畚
鍤連雲簇薪薪帶月駛引渠深澗谷塞決足夯礮高堰
重關閉王營鉅纜拖刷沙瀏宕漾列塹鞏增嗟

溫霽臨春近便蕃受福那翰牋祥藹藹琛寶采瑳瑳華
袞紆金燦香囊佩玉儺

殊施霑墨綬懋賞及青緇候值窮冬柏顏非獻歲酹李
莊鳩壯佼徐郡萃驪驪匠氏操尋丈虞衡計兩娑灘荒
唯菱舍湍激少戢戢頻著衝泥屐難牽補屋蘿風催雞
膺膊冰墮柳髣髴期就崇朝剋成從一氣呵開洪全掣

溜進占

去

速拋壻忽過濤撞埽尤愁雨泥蓑虹堤看震

盪蟻穴見回過冷霧疑蛟蜃狂飈詫怪魔丁男寒縮挽
車馬淖摧軻召伯巡仍力王尊屹弗頗石銜感精衛山
負逐夸娥錢布分携捐胼胝衆趣鑼以身先士卒底績
在昂俄

上喜安青甸誠如卷白波近堪追靳輔遠亦效東坡川
后歆薌帛置臣薦象犧太常銘典冊少府織纖絢器使
忘辛苦旌能合縷覲從茲堅砥柱到處長蘘荷隩宅含
哺叟瀾嬰拍斗漉飛芻崇廩廩則壤樹巍我公尚存冲
挹人咸化慘苛湖湘曾臥轍嶺表舊畱躡德比圭無玷

廉徵菊已莎

都俞推嶽嶽，尊沓任訛訛。旣奠沉菑地，還培美種禾。犬
鼙停擊柝，鴉髻解投梭。野茂雙歧麥，園繁五色蛾。燭幽
懸丙照，煦嫗秩南訛。布澤滋亭毒，寧馨報晏陀。

錫名丹誥炳，保姓素絲絀。

公去年六十四歲始得子仁
御賜名札拉芬

毓麟遊板清，傳鷺立茄合。龍膺戩穀稱，兕晉芳醴拜。慶
來雛鳳承，喬擢秀柯。時公六十五初度
適公子自都來署庭階翔壽愷，衢

巷舞仙僊。下走供驅策，顓愚賴琢磨。平成慚鮑頌，

喜起仰皋歌。

觀競渡

江南爭水嬰端午月先朔吳門最繁華廣陵更旁薄崇
水一衣帶吳容喧鼓櫓或云當厲禁勞費免剝削豈知
十年來溪澗僅澆漚麥秋今受明春雨實優渥艾虎門
初懸畫龍舟共角於古等驅儼笑我亦獵較一日爲憑
軒五舫大鳴鑼蜿蜒動鱗鬣閃閃森旂稍騰空彩鷁馳
驚飛白鳥翳燃犀水府曙鳴鼉洞庭樂觀者罕編舫波
上聚帷幄張弛宜並行蜡澤誰能覺吾民若常娛此戲
無妨數

將赴蘇州舟至如臯水淺改由福山對渡浩然有
作

淺水添波不可待，忽憶門庭有江海。
篙工急作迴飄颻，便向扶桑看暈采。
川祇慮我老而怯，相送清飈催歎乃。
洪流旣濟纔晨餐，眼中未見浪崔嵬。
此去吳門祇一程，豈惟事逸而功倍。
年來首鼠太無能，多謝神靈鼓其怠。
至竟江湖慎風波，狂於孟浪爲行殆。

常熟舟中

趁潮猶未落，打漿過虞山。
帆影侵橋斷，溪流向竹灣。
輕風清午夢，小艇帶酡顏。
笑指川塗熟，應饒鬢髮斑。

舟行夜雨

大川方利涉，驟雨不終宵。
舟坐才容膝，官行爲折腰。
電

明蘆葦影風長稻梁苗暑退聊歌枕唯亭問早潮

題無錫孝女唐素畫

我觀惠泉山泉水清無滓此泉合稱孝女泉畢生精潔
正如此孝女舊在泉旁居阿爺阿孃老無子若因許字
奉姑嫜誰向高堂供菽水天生萬紫千紅花都爲幽閨
補白華百幅丹青作鍼黹十眉粉黛化烟霞梅骨蘭心
松竹節畫成入市嫌其褻買得胭脂畫牡丹那知反哺
心頭血老親皆以天年終北宮無恙今耆耄皓髮鬢鬢
被凍梨言到從前尚嗚咽女宗表宅喜吾宗乳姑孝婦
遙相同泉有源兮花有本啜茗讀畫來清風

行鄉口占

郊塵十里柳陰多，掀蓋迎風看野禾。
欲以溝塍爲曲沼，便將芋葉當新荷。
勃谿未化官無術，直道猶存俗不訛。
小飯茅簷環婦孺，爲言騶從莫誰何。

壽楊彌之太守

世綸

九十

嘉慶丙寅春，我來攝州牧。流庸正呼號，黔敖救宜速。
先生爲之倡，全活到麥熟。司中新秩祀祠宇，無齋宿鵠立。
賴鳩工感儀，得整肅。先生白縣車，里居絕竿牘，非公未嘗至。
爲善若不足，廉州素稱廉。僅足供饘粥，義舉先竭財。
慷慨化鄉曲，州城有舊渠。歲久成廢瀆，祠西有隙地。

卷之三
三
荅通雜蒸潯今年風雨時率錢事疏築先生任其勞董
勸無退縮興除我當爲獲助乃能淑我無政及民喜君
進忠告前年偕計吏追送度川陸作畫兼酬詩清風常
佩服重來更情親抑戒交相篤長我幾廿年兄事如家
督周官重父師漢儒推申伏及門有房杜繞膝皆蘭玉
况逢耄耋期齊眉車駕鹿如茲登上壽惟德膺多福勲
名衆所知知心我所獨歲時闕存問質言以爲祝

次韻周希甫太守

有聲

去年入都畱別四首

聚散真無定年時記別君一麾知復把岐路惜難分季
布纔新召山公已上聞今朝重携手底事話離羣

八

壞壁詩重寄題牋墨未乾趨牙成小集作劇見交懽久
宦才逾鈍高吟興亦闌逢君偏倔強不肯道衰殘

畢竟談經濟輸君品望偏宣防成底定幕府慕才賢百
口黔中寄千篇日下傳東南望霖雨何暇問陳編

生事勞修月頽年畏遡風却憐知己遇欲報與君同量
力當虞阪謀身在釣筒近詩無逸響不和意何窮

立秋日勘海門合龍五港

有議設橫木者故
制府檄令往勘

四海爲家廣重門擊柝嚴如何橫一權便欲廢三監舟
負難藏壑九封豈塞函莫言溪澗小萬斛駕長帆

小人爭利近大法設防周潮長三篙浪風生一葉秋道

謀猶築室網漏或吞舟却羨滄浪叟忘機到海鷗
繡錯分州壤川流共此津鄰封豈是壑水監不如民開
堰西門豹循阡召信臣被符當盡力携襍趁涼晨

提閤商津吏宣潛問野農觀瀾驚皺面飲水滌塵胸夜
電崇朝雨秋雲昨日峰禾麻紛滿眼籌畫莫疎慵

疊韻昆孫

藏

試院七夕用崇川集中寒食試院舊

作韻

往年寒食酒浮盞公餘課一來亦儻今年七夕雨洗車
鼓徵如聞河鼓響牧守原非甄拔權簿領況無衡鑒朗
吾友翟公與陳君羅門解榻千星象吾家更有八及才

每作新詩自吟賞手披千牘共起子燭燼三條輒懷曩
半世纔離偕計車一行久困長名榜汲引真同烏鵲橋
校閱不見青藜杖敢誇樓上金鉞度且喜階前碧梧長
報章終日裁不成乞巧衰年拙難強願子早覓雲錦裳
銀漢通槎不須漿

縹雲石歌

爲馬汶作

君不見伍相吹簫脫深塹漁父不受百金劍又不見漂
母授食哀王孫千金難酬一飯恩丈夫骯髒窮不過殘
杯冷炙何能飲陶公冥報以相貽黔子嗟來亦可去乃
有裊鼎列華堂主人豪貴能文章雪中四望正瀟灑門

前一馬何昂藏青眼相看携入座紅燭高燒傾滿觴雄
談見賞風塵外投贈豈計他年償忽聞邊閫建牙纛材
官親遣傳書報知是從前輯屨人萬里招邀聯夙好裁
舸高車一路迎名鬢仙樂雙旌導吐哺非同井底蛙飛
騰早信山中豹客來通儻意自如不知何物可相娛偶
然袍笏拜此文頗憶桐杉蔭樊居歸家纔向園亭入拔
地蒼雲屹然立他物稱是何足言故人氣誼感可泣風
流雲散吊平泉幾時移置辟疆園扶風豪士新物色不
教遺跡埋荒煙爲供花竹剔落薛圖寫奇情出巖壑試
看十尺九華高想見千山百夫輦嗚呼古人得一知己

成石交况逢國士非常遭

行鄉

秋燥風高百穀愁幾時未入長官眸
魚登亥市知溪涸人臥牛宮爲暑收
瓜蔓直纏茆屋脊柳梢橫壓板橋頭
范公隄外雲深處乍聽枝頭叫雨鳩

歸途遇雨

秋田有美禾秋雨不須多桔槔連
岫轉不息溝澮日涸將如何疑是魚
龍秋作夜嬾雲一睡不肯駕昨聞天
姥掣神鞭鞭起潛蛟向空跨由來棉
稻分晴雨此時齊望商羊舞朝朝
浙瀝如金珠我來恰值雨初濡農人
愛雨

因愛我謂我來去無須臾我行冒雨猶嫌少騶子皆言
渾亦好願添尺澤利行舟鼓櫂重來看刈稻

浚城河

貫城河如帶東西設水門舟船可出入啓閉相吐吞積
淤成湫底爲淵只泥桓如人苦胸膈結轡生煩冤安能
暢於支所貴滌其源謀成兩初畢時及水正昏居民自
鼓舞善溝已潺湲流惡人病已通貨市情喧地脉關文
風自協形家言因思決壅滯小惠何足論

孫淵如觀察六十

我與公同歲月生公先七日當爲兄科第官階皆過我

此而歎羨猶俗情古人道重三不朽學術文章公獨厚
一時名士推先輩豈但鯁生瞠乎後況曾相約早休官
褻材欲退尚盤桓祇今同度周甲子公先畫錦親承歡
堂上康強古松柏堂畔荆花照瑤席堂前五樹第一枝
長伴龍門高百尺我方捧檄檢荒村扁舟逐浪窮朝昏
高喚閒雲羨野鶴寒盟逋客愁山猿來書解嘲兼致詰
入山必深林必密若非靖節歸去來恐有稚圭譏復出
捧觴拜慶不如公幸有家昆是健翁風雨遂違對床約
東籬空憶菊花叢

六十五生朝淮南舟中自述十首

少小雙親愛惟祈有此朝歲華今得得風木早蕭蕭竊
祿懷三釜承家媿六條虛生已遲暮昨夜夢垂髫

全家依菊井生日近登高老樹歸岩壑公鴻墜羽毛長
兄能健飯羣從共題餽狡獪猶堪憶仙人爲種桃

半生長作客菽水賴山妻摘茗催春鴈調羹候曉雞晏
楹當日屬梁案至今齊雙燕秋風裏唯思舊壘棲

兒曹不解事稱祝倩鵲行將隱文焉用當歸與自長京
朝謝朋好州縣苦迴翔况恐人多詛無勞善頌揚
頗思逃賀客忽被檢災符戒且風催榜窮秋霜滿鬚浪
頭如我白病骨共民癯豈有兒觥酌惟聞庚癸呼

水衡籌駟裏澤國數哀鴻瓠子歌河伯芋魁怨翟公白
鷗雲亂影紅蓼岸連空補袞徒蒿目長淮欸緒風
對此長天色彌思命世英金隄緣蟻潰砥柱賴鼇擎智
短偏憂杞身衰欲守彭驚駘怯奔走曷弗事歸耕
上考曾虛薦交章敢倖逢壯懷猶爵躍頽影已龍鍾履
自宜雖補戈非爲黍春獨憐知己意難作入時容
作吏安吾拙浮湛二十年宦囊餘藥裹官燭照華顛落
葉西風路歸帆暮雨天蒲濤烟水闊自在釣魚船
久宦當知止吾生亦有涯方州千石忝中壽百年賒種
種風吹帽蹒蹒露漑靴金丹何處覓痼疾是烟霞

送胡果泉方伯巡撫皖城三首

五湖歸艇爲公遲感慨思酬國士知
忽報節旄移大府
眞同弟子失明師清風久負三台望
惠露何容一草私
獨媿無才兼老大虛蒙上考重襟期

不關卿月被雲遮後樂先憂兩鬢華
開府鶴書供色笑
渡江棠蔭滿津涯
千尋壁立春仍藹萬頃淵涵界不差
同是生繁財用絀懸知擇吏劭桑麻

雅懷崇獎盡名流社櫟曾逢匠石收
雞肋一官成白首
斗心半席仰青眸
筆傳梁鵠參書譜詩許唐求入選樓
但祝勲名齊北斗
自憐蹤跡寄滄州

九月紫荊花復開

萼樓秋氣變春和，漫說淮上落木多。
映日忽看含露葉，凌風疑竦傲霜柯。
重陽豔奪楓初赤，晚節香生菊未莎。
不是田家枯復茂，花光雙照髮皤皤。

曉行田間口號三首

正是西風納稼天，稻田大熟悔栽棉。
棉花歉薄無人買，喜說新來估客船。

重陽雨後氣如春，刈罷棉花種麥新。
徧野青青迎曉日，一苗一露萬珠勻。

疎林黃葉送秋殘，昨夜微霜中薄寒。
抱瘵長官携牘出，

負暗村叟倚門看

吳氏女

百鳥生成雙一轂天使獨毛羽如雪明孤飛竟孤宿皎皎吳氏女頎然美如玉其母懷不良三十猶儻束強令倚市門女也義不辱復投之空門空門亦邪曲女因前致詞不字何見促母言汝坐食父母無半菽母方赫然怒女乃噉然哭哭罷悄入房引帶經於屋非自戕其生幾莫保真璞嗟哉此烈女父母皆氏族表閭難爲情作詩以風俗

病中有感六首

舊疴真似說休官
訖未能休又歲殘
性不因人求煖熱
天難爲我輟嚴寒
畏風欲隔屏風坐
愛月還從偃月看
任久吏民如子弟
榻前裁判擁成團

怨咨入耳感呻吟
况復頻年病不斟
夜枕號寒驚鳥夢
曉窗向日見葵心
大風似欲摧喬木
小雪何曾遍遠林
但願農民頌三白
孱軀雖凍亦能禁

不惜千金聘上醫
却誇經脉素能知
見垣偶試君臣劑
技石難驅左右疑
雲際犬聲曾舐鼎
壁間蛇影合揮巵
狶苓豈是延年藥
會向商山采紫芝

元氣無虧貴養和
須防客氣動偏多
惡慳欲廢千鈞弩

愛雀空張一目羅落木依松彫不盡繁霜試菊傲如何
放衙別有關心處東閣寒梅著藥麼

簿書叢裏一山臞素抱依然且自娛孫喜倍經翻水熟
僕愁對奕滿盤輸病中消息嫌人問老去文章愛客諛
深荷良朋勤勸勉好將晚景惜桑榆

行年六十尚勞薪何處桃源欲問津畫史寫真逢故我
神官入夢話前因人情帖少雙鉤舊世事枰多一局新
熟讀南華養生主莫教肉熟損心神

喜雪

安排飯瓮謝天公歲事崢嶸欲送窮寒士那求千夏屋

先生自笑一冬烘帖臨晴霽時方快歌近陽春曲易工
頗喜破慳猶有續殘羹滿地未全融

陶山詩錄卷十四

善化 唐仲冕 六枳

崇川五集

癸酉元旦口占

瑞雪殘冬三寸深
歲除更喜愜民心
却嫌元旦紛紛下
起看朝曦上碧林

花甲餘年得得來
半爐楮漏漏聲催
怕隨年少爭先後
獨進屠蘇酒一杯

流水空山首重迴
寒香深護兩盆梅
花如知我出門去
先向齋頭爛漫開

立春舟中作

天地愛民心甚於親民吏雖其慈父母不如此周至嘉
平自下旬雨雪已數四業經濡土脉尚未懷農意昨宵
擁同雲三白紛滿地問時仍是臘於物合稱瑞元日曉
陰濃立春晴光媚稽之齊民術一一占美利賞雪復賞
春舟行聊一醉

春日遊仙詩十二首

玉晨元日紫烟飄下界羣仙集郡朝天外飛鳧收入網
爭將輕舉笑王喬

火裏蓮花擁吉雲仙班第一讓樂君曉來一陣風和雨

頗帶三分酒氣熏

太皞行春手執規
屏夷列缺鼓生機
却疑謝部多摧折
不遣香車律令馳

點石無傳火自青
羣推如願路頭靈

正月五日江南人
祀路頭神爲財神

曉風催送揚州騎
十萬腰纏鶴夢醒

東風解凍水猶凝
羅襪凌波踏曉冰
獨有琴高騎赤鯉
龍門先上第三層

河上公來握玉符
關門紫氣照前驅
如何一掬回生水
徐甲依然嘆不蘇

放出紙驢自在行
憑他狡獪暗相傾
生年本在唐堯世

彭祖由來是後生

象戲開奩對一河未知勝負究如何橘皮世界無機械
賺得旁人爛斧柯

貝闕霓裳降玉姝試燈風裏列行厨蓬萊清淺今何似
不問麻姑問紫姑

烟波無際是蘆中漁父當年識士窮一艇橫江掀不動
桃花流水釣斜風

樓閣三層護白雲梅花春駕接茅君山中宰相成何用
空撰真靈十賚文

歲星遊戲在人間待詔金門記往還度索山頭桃子熟

不須重到計偕班

雨中渡楊子

江漲欲吞海山嵐不露天千波一葉定兩點半空懸冒
雨魚初躍衝泥鷺正拳無風帆自轉暮色已蒼然

贈萬廉山峩眉積雪石因索畫

廉山愛石殊不廉巔岫滿屋情無厭聞余異石暫而黔
天然古雲疑山尖欲之數年未得忤用意良苦辭則甜
我心匪石絕猜嫌物聚所好難終淹君爲米顛亦蘇髯
九華一品材能兼更當發此幽光潛慨然持贈開冰奩
迥異權門媚世閹驚喜過望符吉占携歸馳數水程籤

置之青案月滿檐玉壺瓊島含清嚴五月宜有甘露霑
畫理微參信手拈石如元章竹子瞻報我無須千百緘
但看潑墨三毫添使我長坐珍珠簾襟懷磊落消塵炎
慎守寶矣同鍼砭揮手渡江江波恬中有雪浪翻銀蟾
石交宛在隨行幘

卽事三首

曾經報最漫隨班重竊虛聲一筆刪感遇仍當歸伯樂
考功又似落孫山敢言大畧催科拙

因屬縣錢糧處分部駁計薦也

有些須寵辱關最是長安多舊雨春明携手笑緣慳

廿年春夢尚瞢騰鬢有霜華酒有稜本異清談三語掾

依然寒素一條冰

部以通州非三字缺見駁故云

醉仙堂上向隅客選

佛場中退院僧頗類新荷加小愈不因膜眩不凌兢

濫竽久矣莫須吹得失如文祇自知期會何關民事重
科條終使吏才卑海天水闊鷗情寄春夜霜寒鶴骨支
江上莫愁風不利傷崖珍重落帆時

舟行口號

細雨濛濛夜放船村更一路暖風傳起看曉霧收平楚
草綠如茵柳似烟

雨行田間

我性殊於麥春寒渾不禁却因寒帶雨甚愛麥如金遮

路青泥活黏天翠剡深衝蒙巖示戒滑滑聽鳴禽

狼山萃景樓落成雨中偕尚厚庵都督汪春田太守馮蘇亭明府翟春谿吾半客王春岩家菊溪兄同登四首

春晴幾日又春陰曉敞岩扃逐水禽爲構凌雲樓堞壯
敢辭衝雨屐泥深傳芭合奏湘中鼓倚檻同聽海上琴
憑仗山靈開霽色麥田何止萬黃金

烟雨溟濛接太虛神樓重造敞於初十年架木成吾手
三月飛花點客裾新塔合尖兄獨上舊遊埽壁交曾書
登臨幾輩驚彈指搔首風前鬢髮疎

萬里長江一帶環歸舟天際指烟鬟吳頭楚尾家何許
越甲秦軍事等閑張蓋笑官能濟勝携樽勸客且開顏
偕遊幾度經晴雨滯跡年年媿此山

烏帽青旗石磴斜春臺仕女會無遮緩行竹裏嚴公馬
小住花間邵子車僧顏古於歌壑樹賦才高似建標霞
窺林返照催人起十里江城聽暮笳

示民謠

今春雨多夏必少勸民愛水如愛寶溝渠瀦蓄要寬深
莫貪小利致枯槁又恐秋來雨兼風少種棉花多種稻
農民若不聽吾言親自行鄉打地保

遊汪春田園亭次春田遊西園韻三首

眷想烟霞痼已成，
覓拋簿領放舟行。
舊遊獨占平泉墅，
小泊先傳老樹精。
門徑蒼蒼江月落，
溪流活活海潮生。
啟關深恐驚高臥，
倚檻徘徊看曉晴。

門外無山內有山，
兩山深處聽淙潺。
百年老屋垣墉壯，
十里平疇稼穡艱。
移竈茶烟隨客坐，
倚樓花影隔人寰。
自誇趨健忘遲暮，
行徧岩巒竹樹間。

桃花流水到階前，
衆綠成帷分外妍。
慈竹捧甌添鶴算，
季蘭簪筆寫鸞箋。
虛亭有客綦初罷，
短榻無風醉欲眠。
如此園林足消受，
况兼書畫米家船。

文昌宮西園落成三十首

木天嚴貯蠻隙地付苓通不有誅茅役空勞擁彗功斗
懸城倚北隄抱水回東樂與都人士羣游爽塏中

梵宇初經始魁垣應秩宗

初建文昌宮於水月閣移閣於其東

兩街移粥

鼓三獻奏歌鐘傑閣天光迴齋壇月影重更將林府闕
游息待春容

榷架充官帑操塲入舊麗百車方運木一水恰橫杠郭

語前身鶴門迎故宅厖東橋來問訊玉女尚窺窗

以入官之

前明東郊草堂移建於此

鳩工圖善建鶴俸預探支衆志依籌畫吾心謝繭絲非

緣三徑作重費十家貲歲事殊豐稔人情樂解推

巨室情猶矜高年興欲飛

紳耆蠲資以成斯舉楊彌之太守年近九十身任其事

矢之神道鑒斤以匠心揮度地流泉繞開門遠樹圍巡
功見黃髮不避雪霜霏

營室方中日新宮大壯初形家端戶牖匠氏理溝渠牆
腳臨溪厚廊腰受月虛門旁先立塾早課學僮書

養士須途廣勞民豈勢驅地非妨穀土役不下官符成
竹胸先有全牛目已無工師求大木取次闢榛蕪

子來聽鼓集邪許致旗齊廳自趨旋馬堂應睹聚奎百
年安柱石數仞竦櫟題甲第爲儒館真同鄴苑西

鄭公遊寓處文會有高齋甥館畱書帶元燈映泰堦新
亭饒竹素往躅埽烟蘿忠孝科名重城南景物佳

文會
學朱

鄭穀夫讀書處此其遺址
也穀夫有忠孝狀元之目

輿主尊中雷文星拱上台升堂方入室修廡又層臺頗
具千尋勢無遺尺寸材應藏書萬卷津逮是蓬萊

從此重梯上孤懸一閣新依然開色相端合駐仙真岩
塔朝霞見濠梁夜月親休嫌結構小十笏淨無塵

翦取清溪水飛來畫棟雲晴虹橫鏡影春雨蹙鞞紋碧
草長灣聚紅埃短杓分會須栽菡萏萬柄發南薰

乍長三篙水宜臨四面軒波光搖日色花氣出烟痕明

瑟齋同舫蕭森竹作門漁人如悞入疑是武陵源

芳林無棄壤平地有層巒覆簣爲山易藏舟在壑難孤
岑先種柳幽谷定生蘭聊暢登臨興還增瓊瑋觀

重樓宜近水麗澤倩他山睥睨如縈帶歲華不上關列
垣符象緯入戶斷塵闌精舍猶粗略長懷厦萬間

門外添新築東西氣脉連一壺懸在左

彌之先建一壺
菴於文昌宮東

六枳隄於前

宮西園東建六枳
亭六枳余字也

墩姓從安石亭名類浩

然却慙無令聞空繫往來船

衆有登臺樂寒因挾纈消澤門忘詛哲鄉校任規僑問
渡三义路尋春第幾橋坻場原湫隘伐木喜遷喬

樸斲惟丹蘄斯干咏竹苞躍鱗原在沼語燕已來巢樓
上高人榻花間野客庖翹材今有館門敞不須敲

墨石當軒瘦編籬傍岸牢頻移花滿鴈恰遇雨如膏老
桂依丹壁新荷點綠濤會心應不遠城市有林臯

廬愛陶彭澤園治郭橐駝何時營別墅此地有行窩滑
笏披蘋藻垣衣掛薜蘿偕遊多士女騶從莫撓訶

館闕文無黨宮銘蔡少霞高踪難附驥弱翰亦塗鴉踏
雪畱泥印凌雲笑髣髴華蘭亭須換骨題牘媿方家

鼓徵昕釋菜鐘饋祝刲羊春崇書三物靈星迓百祥傳
芭臨孔蓋榻笛譜霓裳聽罷烏鹽曲弦歌韻正長

考室撞鼙鼓躋堂酌兕觥綈衣宜授粲朱紱樂吹笙文
讌忘吾老元談愛客清舉觴謝耆耄建樹仰堂楹

相期揮翰墨好事寫丹青欲倩龍眠筆來傳燕喜亭風
流同雅集位業有真靈他日携歸去筠床對翠屏

屋角懸金字庭前坐石丞求將文振采鑄得字藏稜記
錄煩惇史流傳付律僧壁窠題已徧一片籍韓陵

時吳穀人

祭酒作
碑記

賦才誰最擅魯殿費雕搜應薦長楊館能修五鳳樓勝
王高閣古庾信小園秋何事通情愔溪堂記鄆州

各報千秋志來追七子吟連鑣雖異地秉燭有同心檻

外花搖筆池邊月上琴建安風骨勝底事學題襟
憶昔桃花館名流供一龕郁洲移客舫石室聚朋簪每
說焚膏苦都忘食肉甘書生成結習欲唱望江南
五山江勢折三島海波恬阿閣當初地浮屠正合尖市
樓通斷港學舍起雕檐記取題名處苔痕屐齒添
東閣梅初植南山菊未芟紫荊懷野屋翬屐擁朝衫曉
樹聽鶯啼秋萍見鹿銜蕊珠宮在望努力鼓雲帆

行鄉二首

小艇不能濟危橋時恐摧偶緣徒步穩親課時秧來鷗
外雲逾黑棹邊水自回歔蒸人却喜爲有雨聲催

與民同祝雨如我合歸耘苗莠憑何化林臯動所欣安
榴明照屋布穀暗呼雲回指城闔路前山帶夕氛

梅雨

送盡黃梅節芳田望綺交雨稠容塊破河淺尚舟膠囊
鱗補還漏堂塗修又均小窗聽幾陣頻遣問東郊

題伎堂品劍圖

天下何人能說劍曼胡短後無特鑑翻倩蛾眉一寸眸
解識龍泉萬千皎公孫弟子顏如花肯將脂粉學吳娃
三尺秋心匣中水百鍊柔情袖裏蛇美人之意可知矣
烈士不當如是耶書生豈有不平事骯髒難消丈夫氣

繡澀須瑩鵲鵲膏摩掌且付鴛鴦隊

瑣事八詠效齊梁體

熏蚊

鼓翅難捫掌吮膚曾露筋聚當投一炬驅且用三熏火
攻雖下策陣潰不能軍烟氣急相逐雷聲悄不聞荀爐
裊篆影齊幃垂縠紋

沈蚤

傾盆作湯沐翻鞵任跳梁乍飄塵一點宛在水中央滌
除闕痛癢拋擲等豪芒漸與沙蟲沒那許芥舟藏不必
濺吾齒么膺爾敢狂

彈鴉

屋上瞻爰止城頭訛畢逋白項迎風噪黃童飛土驅
柘枝虛發少楊柳可藏無逐向斜陽急啼殘夜月孤
但使聲能變何論楚與吳

殪獬

獬子幾難制雞刀尚可屠崖柴驚聞市善噬逐康衢
扑非楊布比奔笑華臣俱以繩先系頸無蓋爲藏驅
唯畱守門將兼畜寄書奴

聘貍

鵠鵠猶畏鼠騏驎不如貍隣家將數子幣聘遣長鬚
箬

裹鹽成品筠籠綵系絲躍柳魚來勝登牀犬莫窺書
聲頓息未許策勛遲

抱雞

知白守其黑

白毛烏骨

羣雌隨一雄春生三十卵抱出滿樊

籠婢尋蝦殼少翁聽轂音同粥粥爭投水紛紛細擇蟲
牆陰散清曉飲啄羽毛豐

偃獬

獬生八九子都似拳毛騮共牢無牴牾交頸互搔爬松
蓋陰眠薜杞根晴吠花耀瑜舞蒼鵠丹鼎舐胡麻慣迎
吟客至何殊到仙家

盤鴿

雙雙人日鳥隊隊佛頭雲將雛兒女語擇食雞鶩羣繞
簷無網觸入室有香薰紺趾苔痕合花翎樹影分若作
傳書使無勞盼夕曛

題雲樹懷人圖四首

天涯搔首賦停雲樹色蒼蒼帶晚曛三徑蝶香傳旅夢
兩行雁字寫離羣古苔尚印牆陰屐舊帖重開案上芸
絲邇深情通遠道好風簾外動湘紋

傾蓋相投更脫驂平生知己記誰堪登筵獨啖牛心炙
倒屣先揮麈尾談首宿春郊懷冀北蒹葭秋水望江南

故人何日重携手樽酒論文與正酬

黃塵烏帽隔滄洲書劍飄零感昔遊
銓影襖開無比店酒痕衫漬有巴樓
蓉城傳信盤孤鶴荻館尋盟起宿鷗
不分雲山遮望眼畫中添个五湖舟

老來百事付蒼茫獨有窮交久不忘
師友恩情關性命菰蘆滋味勝膏粱
晨星幾點挂林杪落月一痕橫屋梁
塵海逢君結蘭佩披圖坐對水窗涼

奉檄內簾監試赴金陵雨泊棲霞二首

衰年省事卽刀圭試院欣然襖被携
善舞空傳羊傳鶴不啼甘作會稽雞
且拋朱墨三千牘來看青雲百尺梯

陸止齋詩卷十四
縱有程期遲亦得蓬窗聽雨笑衝泥

濕雲相對鎖岩扉已似孤羈坐棘闌此席尚容求則得
一官久合送將歸勞思小草卑蘇釋興在清秋燕子飛
寄語山英休謝客吟筇準備薜蘿衣

明日復大雷雨疊韻二首

黑雨紅雷寶似主孤懷珍重短琴携省身祇自期正鵠
養氣何時到木雞腥起龍蛇驚縱壑苔封樓閣怯登梯
舟中一枕遊仙夢不向文書檢印泥

廿年前別舊柴扉新婦長愁閉繡闌九萬鵬搏猶斃息
三春鵲叫不如歸遠遊但盼雙魚寄小酌何勞六鶴飛

一雨成秋又岑寂自搜行篋著棉衣

入闈監試仍用前韻二首

長媿移文孔稚圭但將詩草自裝携
鵝雛不嚇憑枯鼠鵝卵能哺讓魯雞
碧漢有棹空欲汎中秋無月倩誰梯
官場總少偷閒地泥飲何人醉似泥

頗似司關守兩扉
栽星使擁彤闈金匏刮眼成何用
竿木隨身不當歸
久宦豈期龜左顧
小顏合奏鶴南飛
無端舊夢重尋到
乾隆甲寅會司分校
明日西風又蒙衣

題屠琴鵬

傳

明府小檀欒室第二圖

人生讀書須及早
早歲習讀山中好
囊書入山山要深

深山讀書多素心明聖湖邊精舍滿清平山下塵蹤斷
禪房林木簇成圍樓堞雲烟淨如澣三閒容膝安琴樽
五君把臂入亭館竹影淡搖成竹畫花香夢逗生花管
君爲晉國太史才當世知名弱冠纔龍威禹穴費蒐討
周郎陸弟相追陪層岩養就千霄勢皇路青雲能自致
尺五欣來筮羽鸞百里何勞籥雲驥聲華豈厭承明廬
霖雨特爲蒼生蘇能治官事若家事循良自古爲通儒
壯齡猶未及強仕小試已足當民譽迺知一朝得藉手
不負十年前讀書讀書何處小檀欒事後追尋感歲寒
四三友觸臨風想第二圖懷舊雨看我曾傾倒紗籠句

一月重逢修月處展圖自悔讀書遲老矣還山莫再誤

次韻東坡先生試院煎茶同屠琴鵬作

風味人人愛麴生誰與靜聽瓶笙鳴我因淺量不解飲
消渴頗思兩腋輕那有詩才學蘇二從來未曾茶經意
君不見潭州鐵茶費熬煎煎成鐵色如紅泉又不見薑
鹽風土連楚蜀解熱疏寒同藥玉年來肺病如輞飢一
甌茗茗常攢眉黃昏散爲孤衾合厚朴湯與糜粥隨可
憐試院蕭蕭臥病三十日但餘飲水坐看同舍與酣時

次韻琴鵬衡鑒堂遲桂

得地怪花遲含芳細釀詩詩人庭畔遲

去消息定中知

玉露垂珠後金風造榜時繁英慰延齡清賞冀辭厄

六十一初度

花甲纔周又隔年昔年此日正生天一聲墮地秋爲骨
大塊勞人雪滿顛深院茶烟侵榻畔小山花影落尊前
近城更喜無風雨閒散從今學倦仙

題課詩圖

圖爲周篴谷先生

震榮

傳其母戴夫人夜課毛詩作

今爲其嗣君亦次明府

以勸題

明府令良吏芳澤承其先示我課詩圖庭訓所流傳深
山夜如漆古屋燈熒然大母坐紗幔刀筆進所太尊甫

方八齡自塾手一編依案就短檠口授兼註箋久之病
者霍幼學經亦專精誠所融結祥異能回旋宿儒魁甲
科簣谷父禮爲會試第一廷試第三繼起如蟬聯追往倩名畫畫者羅聘事
隔四十年捧書不忍讀豈獨傷杯捲闕今又三紀傳孫
真象賢音微愀如見松桂懷風烟清芬難盡寫治譜皆
能宣迺知達於政善述三百篇

有以素冊索題畫蘭者實未見畫口占四絕

王香合受衆香尊服媚還應異合昏畢竟托根鋤不到
只宜空谷莫當門

美人芳草占風流鸚鵡鳴時似舊不寧使不芳男子樹

那堪纖手門輕柔

寫蘭須會寫精神
葉葉花花總未真
悟得素心難著墨
清風入室淡如人

挑燈霜夜讀離騷
江北江南秋氣高
便欲凌江采芳佩
一橈烟月到湘臯

借居淵如觀察北山草堂月餘仍還憩書樓詩以
謝之四首

時方請假

羨公歸養得閒身
松下初開別墅新
廿載浮家鷗入夢
九秋分宅雁來賓
橋邊風月題丁卯
鏡裏年華笑甲辰
驛路正愁迴俗駕
草堂暫許憩勞人

翛然城市好園林招隱東臯有倦禽作客頗嫌歸客少
還山何必入山深濟時鐘鼎輸華髮論古圖書屬素心
郊野西風催落木相期晨夕共追尋

旋馬祠前奉禮廳卜鄰舊約作居停挈家雞犬依春廡
把袂烟霞問釣汀倒屣叨陪東閣彥鳴騶恐負北山靈
試看階下千叢菊獨對尊前兩鬢星

適意聊爲卒歲謀舊巢將落又營鳩望衡且向瓜廬返
愛竹還携麴榼遊僮僕諱言官欲罷主人偏喜客爭投
難忘注水憑欄處戀影池魚隊隊浮

題淵如觀察五十三小象

夫子宦情澹登車頻乞閒行年未六十拂袖來東山謝
樹有奇氣莊椿無悴顏鵠肩兼火色一望見仙班

甲子同過隙華顛合養真知君遂初服遲我作比鄰漱
石枕流意塞帷行部人及時招近局此畫又經旬

今年已六

矣

題重修晉甘敬侯

卓

墓記後

記爲姚姬傳山長作

武昌狼抗畏襄沔周侯沒郡甘侯典參軍進諫跋扈驚
露檄先聲義旗展萬歲齊呼表上臺二宮無恙功扶輦
名卿遇害有由然丞相愆吏何得免是時王馬共天下
投鼠忌器非選奕朱雀桁開詔且封駟虞幡下甲難卷

深恐搆難同李催豈料捐軀類宏演桓文討伐勢無成
隗寶廻翔意弗善一片忠肝天所知千年毅魄地長顯
至今宰木重崢嶸况復孫枝更蕃衍韓陵石上曉烟凝
烏衣巷口秋蓬轉試問安東佐命勲邱墳何在牛羊踐

趙北嵐

曾

明府復建國山碑石亭二首

訪碑罨畫度烟汀岩畔苔封片碣青早入君家金石錄

曾經吾手國山亭

二十年前余宰
荆溪建此亭

興修電埽閒田訟

土人

以亭致訟愛護雲環外戶局畢竟邨民知好古去思軼事一

齊銘

時北嵐
已謝任

陶岩伐石記前遊過眼雲烟二十秋三國流傳能有幾

一亭興廢豈無由因懷古洞曾題徧爲問故人今在不

謂吳查客
兩陳髯輩

離墨重添新墨寶

北嵐新
記最佳

他年攜手話林邱

爲周亦次題畫二首

買山須買六朝山畫裏山清水更環君縱山居難似畫
我知畫意欲投閒池臺落落堪垂釣烟樹蒼蒼好鍵關
待結比鄰方卜築移文又勒笑緣慳

不可居無竹况兼梧樹修主人何必問老屋本來幽菰
葦秋聲館芭蕉夜雨樓他時一閒訪奚異到湘洲

請假雜詩十一首

五十不造屋六十不製衣如何榮利場到老未肯歸榮

與辱相循利與害相依况今州縣吏局促爲人戰憂虞
無少閒疾疢不相違人生能幾何及時圖息機

進取固爲難引退亦不易悻悻去窮日反慮追者至文
網太詳密巧宦徒趨避財賦之所出少縱則多匱謹節
無侵漁又疑饒貨利皆未許抽身况以才爲累散材聊
自寬初服終當遂

吾友孫公和蘇門懷素秉相約早休官侍養先得請而
我猶遷延豈不戀鄉井欲行將接淅所患同決癭僦居
有五松負郭無二頃從容謝簿書偕君事幽屏

昔作憩書樓萬卷寘高閣全家入官舍斯樓長鍵鑰啓

匣蠹魚穿開窗蛛網絡因之視棟宇亦復滋鼠雀田園
非所求棲止當有託呼工葺門牆移花補院落結習迴
未忘登樓試腰脚

我言病在官不官當不病人疑類學僮諉病辭師命試
看兩月假霍然且適性豈惟足眠餐亦不廢觴咏忽聞
車轂鳴欲逐笳鼓競固知張威弧卽日誅破鏡壯心
誠未已精力何能勁

老年榮衛衰肺病久未瘥胃脹纔能舒肌痒復不快患
因滋蔓劇力爲爬搔儻強使嵇康沐翻成齊景疥膚革
有蜚蠊衣履如桎械醫言中土弱不治亦凋瘵刀圭旣

分投熏灌無少懈痛癢一身關豈得遺纖介

金樓自寬痛滿引山陰酒客有駐顏方飽我春盈缶獨
酌三蕉葉渾忘半通緩未知能已疾聊以適吾口但須
菊滿頭不患楊生肘卽此悟濁醪何必傾大斗

氣寒酒能通血滯酒苦塞止酒固無歡嗜酒當溫克養
陽安可廢以意爲消息凡事類皆然豈獨在飲食大之
爲行藏小之爲語默亦有數存焉君子求其則

喬公善相人休咎多奇中十年一遷官其辭若微諷三
刀雖尅期五馬無由鞅東曹見除自南柯疑幻夢頗慙
資格遷差謝抑掄送迴憶曩人言如書發藏甕前定果

如斯飛鴻天宇空

江南故多梅今冬又晴暖小院一枝開寒廳衆香滿栽
盆等近玩高潔不爲短翻嫌竹外斜却讓山中散鄧尉
曾往探芳信每遲緩春到萬花前瘦宜獨鶴伴郢樹近
何如且付東風管

殘臘雪初飛冉冉歲云暮僂指二十年簿領叢中度今
雖隔鄉閭且免治牒訴客館異官衙浮生元旅寓况復
偕吾兄此間聊小住煖熱添粃盆柏酒醉荆樹真成泛
宅圖便擬歸田賦